

॥ भूसूक्तम् ॥

(तैत्तिरीय संहिता काण्डम् - १/प्रपाठकः - ५/अनुवाकः - ३)

भूमिर्भूमा द्यौर्वरिणाऽन्तरिक्षं महित्वा। उपस्थे
 ते देव्यदितेऽग्निमन्नादमन्नाद्यायाऽऽदधे। आऽयङ्गौः
 पृश्निरक्रमीदसनन्मातरं पुनः। पितरं च प्रयन्त्सुवः।
 त्रिंशद्धाम वि रोजति वाक्पतङ्गाय शिश्रिये। प्रत्यस्य
 वह द्युभिः। अस्य प्राणादपानत्यन्तश्चरति रोचना। व्यख्यन्
 महिषः सुवः॥

यत्त्वां क्रुद्धः परोवपं मन्युना यदवर्त्या। सुकल्पमग्रे
 तत्तव पुनस्त्वोद्धीपयामसि। यत्ते मन्युपरोत्तस्य पृथिवीमनुं
 दध्वसे। आदित्या विश्वे तद्देवा वसंवश्च समाभरन्।
 मनो ज्योतिर्जुषतामाज्यं विच्छिन्नं यज्ञं समिमं दधातु।
 बृहस्पतिस्तनुतामिमं नो विश्वे देवा इह मादयन्ताम्। सप्त
 ते अग्रे समिधः सप्त जिह्वाः सप्तरषयः सप्त धामं प्रियाणि।
 सप्त होत्राः सप्तधा त्वां यजन्ति सप्त योनीरापृणस्वा घृतेन।
 पुनरूर्जा नि वर्तस्व पुनरग्न इषाऽऽयुषा। पुनर्नः पाहि

वि॒श्वतः॑। स॒ह र॒य्या नि व॑र्त॒स्वाऽग्ने पि॒न्वस्व॑ धा॒रया॑।
 वि॒श्वप्सि॑न्ना॒या वि॒श्वत॑स्प॒रि। ले॒कः स॒ले॒कः सु॒ले॒कस्ते
 न॑ आ॒दि॒त्या आ॒ज्यं जु॒षा॒णा वि॑यन्तु॒ के॒तः स॒के॒तः
 सु॒के॒तस्ते न॑ आ॒दि॒त्या आ॒ज्यं जु॒षा॒णा वि॑यन्तु॒ वि॒व॒स्वा॒९
 अ॒दि॒ति॒र्दे॒व॒ज॒ूति॒स्ते न॑ आ॒दि॒त्या आ॒ज्यं जु॒षा॒णा वि॑यन्तु।